

**PROGRAM RADA VIJEĆA/SAVJETA
ZA RAZVOJ KORISNIKA INTELEKTUALNOG VLASNIŠTVA U
BOSNI I HERCEGOVINI ZA 2011. GODINU**

Vijeće za razvoj korisnika intelektualnog vlasništva

Vijeće za razvoj korisnika intelektualnog vlasništva osnovan je odlukom Vijeća ministara BiH od 10. juna 2010. sa ciljem da djeluje u pravcu:

- Podizanja društvene svijesti o svrsi i značaju intelektualnog vlasništva za ekonomski status subjekata u BiH, kao i za ukupni razvoj BiH
- Jačanja institucionalne koordinacije između Instituta, s jedne strane, i drugih državnih organa, privrednih i umjetničkih asocijacija, i akademske zajednice, s druge strane, u cilju izgradnje kulture intelektualnog vlasništva u BiH
- Afirmisanja menadžmenta intelektualnog vlasništva kao nezaobilaznog elementa poslovnog menadžmenta
- Animiranja privrede, inovatora, umjetnika, akademske zajednice i državnih organa za kontakte sa Institutom za intelektualno vlasništvo BiH u cilju dobijanja kvalitetnih informacija o praktičnim aspektima zaštite intelektualnog vlasništva
- Davanja sugestija za unaprijeđenje službene Internet prezentacije Instituta
- Afirmisanja patentne dokumentacije kao nezaobilaznog izvora informacija o najnovijem stanju tehnike u svijetu
- Uspostavljanja centara za transfer tehnologije i širenja mreže PATLIB centara
- Uspostavljanja mehanizama moralne i materijalne stimulacije stvaralaštva u BiH, kroz izložbe i prezentacije tehničkih i umjetničkih dostignuća, konkurse, nagrade, povoljne kredite, poreske olakšice, subvencije i stipendije
- Identifikacije deficitarnih normativnih rješenja koja otežavaju korištenje intelektualnog vlasništva, i ukazivanje na potrebu odgovarajućih promjena u zakonodavstvu, upravnoj i sudskoj praksi.

Program rada Vijeća za razvoj korisnika intelektualnog vlasništva

Tokom 2011. godine Vijeće će održati svoju prvu konstituirajuću sjednicu na kojoj će verifikovati članove, usvojiti Poslovnik o radu i usvojiti Program rada za 2011. godinu. Poslije toga, Vijeće će raditi prema slijedećem Programu rada:

a) **Obuka članova Vijeća u oblasti prava intelektualnog vlasništva.** Obuka je pretežno opšteg tipa i sadrži sljedeće teme:

- Pojam i vrste intelektualnog vlasništva
- Ekonomska osnova prava intelektualnog vlasništva
- Aktualni društveno-politički kontekst prava intelektualnog vlasništva u svijetu, Evropi i BiH
- Pitanja privrednog korištenja intelektualnog vlasništva

- Pitanja sprovođenja prava intelektualnog vlasništva
- Uloga Vijeća.

b) **Obuka članova Vijeća u oblasti ekonomske primjene prava intelektualnog vlasništva.**

Obuka je specijalizovana i sadrži sljedeće teme:

- a. Praktični aspekti zaštite pronalazaka i robnih marki u BiH i u svijetu
- b. Praktični aspekti korištenja baza podataka o prijavama patenata, registrovanim patentima i registrovanim žigovima u BiH i u svijetu
- c. Pitanje procjene vrijednosti prava intelektualnog vlasništva i značaj ove procjene
- d. Oblici korištenja patenata i žigova u privrednom životu
 - Neposredno korištenje
 - Ustupanje licence/franšize
 - Zajedničko ulaganje
 - Strateški oblici korištenja
 - Spekulativni oblici korišćenja.

c) **Sjednica posvećena razmatranju načina da se podigne svijest među privrednim subjektima o značaju i načinima korištenja intelektualnog vlasništva u poslovanju.** Na sjednicu pozvati predstavnike privrednih komora, poslovnih udruženja, udruženja pronalazača, većih privrednih sistema koji bi trebalo da prezentiraju svoja iskustva sa korištenjem intelektualnog vlasništva, kao, eventualno, i sa sporovima oko intelektualnog vlasništva drugih subjekata. Na sjednici bi trebalo saslušati prijedloge mjera kako da se nivo korištenja intelektualnog vlasništva u BiH unaprijedi, i na osnovu toga formulirati određen zaključak koji bi poslužio kao orijentacija Institutu za intelektualno vlasništvo prilikom oblikovanja programa aktivnosti sa međunarodnim organizacijama i projektima na teritoriji BiH.

d) **Sjednica posvećena afirmisanju povezivanja univerziteta i privrede.** Na sjednicu bi trebalo pozvati predstavnike univerziteta i instituta u oblasti tehničkih nauka, kao i predstavnike privrede, posebno malih i srednjih preduzeca. Predstavnicima Instituta za intelektualno vlasništvo bi trebalo da održe kraću prezentaciju korištenja elektronskih baza podataka u oblasti patenata i žigova, čime bi se poslala poruka o korisnosti i značaju tih podataka u istraživanju, razvoju i poslovanju. Zatim bi se učesnici pozvali da na osnovu svojih iskustava iznesu svoja viđenja poželjnog oblika saradnje između univerziteta, odnosno instituta i privrede. Svrha sjednice bi bila da Vijeće, u formi preporuke, pokrene inicijativu za oblikovanje politike zaštite intelektualnog vlasništva i upravljanja njome na univerzitetima i institutima, kao i da se pokrene Internet stranica za kontakte između ponuđača i potražilaca određenih poslovnih rješenja na osnovi intelektualnog vlasništva.

4) Organizacione napomene

Predloženi Program rada Vijeća može biti realizovan u 3-4 sjednice svakog vijeća. Pri tom, moguće je da se dio specijalističke obuke spoji sa po jednom tematskom sjednicom istog vijeća.

Ukoliko finansijski ili drugi organizacioni razlozi budu nalagali manji broj sjednica, pristupilo bi se izboru najprioritetnijih tema iz Programa, te Program ne bi bio u cjelini realizovan u 2011. godini.

Bilo bi racionalno kad bi sva tri vijeća održala prvu, konstituirajuću sjednicu istog dana na istom mjestu, kako bi uvodna obuka mogla da se obavi za sva tri vijeća odjednom.

Vremenski plan održavanja sjednica Vijeća odrediće Institut za intelektualno vlasništvo BiH u saradnji sa USAID IPR Projektom.

U Sarajevu, 22. februara 2011. godine

Predsjedavajući Vijeća

Miroslav Džidić, v.r.